

光緒十年十月初十日恭逢

慈禧端佑康頤昭豫莊誠皇太后萬壽由

禮部奏請祝

嘏耆老一名王文選於本日奉

旨 御賜銀牌 欽加六品銜龍章寵錫

壽世醫鑑讚

錫鑫先生

涵養性成

手著醫書

剴切詳明

脉訣湯方

辨別尤精

心存壽世

萬古留名

光緒五年己卯歲孟夏月

賜進士出身署理萬縣知縣年愚姪

張永熙頓首題

壽世醫鑑序

上古聖賢立德立功立言久而
不廢名垂不朽尚已下此則惟
利是圖滅裂了事已耳榮閱多
邑咸如是焉及萬始遇王君錫
翁溯其生平孝友傳家澹泊自
若幼即好義棄儒業醫曾出遊

於活於雲於荆沙歷有年所人
每以神醫稱之家藏善書藥書
最夥故令嗣或庠或廩或孝廉
一門之內幾無白丁迄今年踰
七旬愈加培植不減夙志偶暇
即辨症輯方日無虛度近以所
得之心法所治之險症編成一

書題其次曰壽世醫鑑令戚陳
君眉山無善不作力勸付梓翁
未敢自信出示榮榮捧讀之
覺燭症之精審症之的用藥之
當直協仲聖以下諸家而如出
一手世之學業深厚者閱之開
眼界廣慈仁端品行固不卜而

可知即學問疏淺者一見朗然
毫無窒礙居恒紬繹臨症詳審
對症投方其效驗必皆如射中
鵠如鼓應桴頌王君立功之無
量亦頌陳君之立德於無涯矣
然而人之好善誰不如我覽是
編者苟能廣而充之佳而廣之

以共為侍宣流播則又豈特王
陳二君之功德不朽已哉
昔

光緒己卯年壽星月

雲邑南鄉盧興榮敬撰
於古萬州聯陞客邸



亞拙先生醫鑑序

夫紅杏青囊之術玉函金櫃之書
非不足活人而壽世然皆詞旨奧
衍難索解人在醫學家得其糟粕
自用師心往往見一症以實為虛
以虛為實以寒為熱以熱為寒審
平下真治吳生靈者多矣余心悼

者久之竊欲擇其捷要歸諸易簡
俾天下之智者愚者一見了然而
知病之或虛或實或寒或熱確乎
其不可易則投藥之下萬病回春
余竊有志而未逮焉丙子春偶過
亞拙先生齋頭煮茗談心少焉出
醫鑑一書相示余盥手讀之見其

鑑面鑑目鑑舌諸篇厯言臟腑受
病無不畢形諸外者辨證既精而
病之虛實寒熱不可得而遁如鑑
之朗照無遺矣則此帙真發古人
未發之祕傳古人未傳之書所謂
捷要簡易者悉於是乎在余愛之
慕之亟勸梓之以公同好後之覽

者莫不吒為神奇而必求神奇之
所自來須識先生利濟為心嘗造
善堂診脉發藥每日乞醫者或數
十人或百餘人無不獲其效以去
故多以神仙之號奉先生焉則是
書之傳誠先生之心得也先生前
後刊醫書數部原不惜金針度人

而余獨苦好是書者亦以提要簡
易實獲我心則其活人而壽世當
不讓紅杏青囊之術玉函金櫃之
書也是為序

光緒二年丙子歲暮春之初
吏部注册訓導王和頓首誤

亞

恭讀

拙

先生

醫

書

題

贊

壽

在

醫

鑑

救

生

慈

航

匪

得

秘

授

正

宗

岐

黃

望

聞

問

切

四

診

最

詳

鑑

形

知

病

如

見

肝

腸

寒熱虛實
湯方丸散
醫能會怪
鑄傳功偉
西池邑舉
人范非蘭
辨別甚良
效驗靡常
不異長桑
萬古流芳
拜撰



壽世醫鑑序

昔范文正公等為醫於為相是
醫之道固可以濟世也而亦可
以壽世虛實寒熱業醫者亦未
始不知至問其何者為虛何者
為實何者為寒何者為熱則恟
恍無憑是生人之方轉而為殺
人之術矣安望其壽世乎錫鑫